

金石續編

金石續編卷第七

唐

武進陸耀遯纂

太倉陸增祥校訂

唐四

唐氏女端墓誌銘

石縱橫各一尺四寸十五行行十四字行書蓋題
大唐故唐氏女墓誌銘九字篆書在陝西咸陽縣

女子字端蓋殿中少監唐昭之第三女也母曰王氏夫
其體脩幽閑門傳禮則克柔其性有婉其容春秋十有
六焉不幸天歿以大唐開元十二年六月廿三日終於
京地靜安里之第以其月廿六日權殯于萬年縣義善
鄉之原悲歎天平不臧曾靡降福神道何昧忽貽其殃
諒何有違遂獲此戾悼以長往終天無期嗚呼哀哉乃

爲銘曰

猗歟慶靈兮錫嘉祉婉而從訓兮善可紀宜其享福兮
極遐祀奈何脩齡兮中道止白楊蕭蕭兮壠路悲丹旌
摇摇兮相送歸相送歸兮永別離天情地義兮長相違
右墓志十五行行十四字正書字徑七八分攷唐書
宰相世系表有兩名昭者一爲後周儀同三司永之
五世孫一爲莒國公儉之曾孫殿中監從心之子爲
河南尹莒公卒於顯慶初年七十八傳言孫從心神
龍中以其子娶太平公主女累擢殿中監駿太常少
卿坐太平黨誅而太平公主傳又以駿官爲鴻臚卿
据表駿爲仲心次子河南尹昭爲第五子駿之弟也

史言河南尹此言殿中少監似不甚合然女端之卒年纔十六作此志時恐其父昭尙在或後官終河南尹亦未可知况表之言往往不實案之時代疑此爲莒公之後人也又攷長安志靖安坊在朱雀街東第二街唐書武元衡傳靖作靜正與此合靜安里蓋卽靜安坊也義善鄉不見於長安志据此可以補之

山銘金石文編

右殿中少監唐昭女端墓志銘志前不題疑卽昭所撰與孟友直女馮氏婦十一娘盧鄩幼女姚婆兩墓石皆父銘女子之詞十一娘爲已嫁之女姚婆爲下殤端爲中殤殤不立傳而有銘誌者由於

情不能已韓退之爲女挈銘壤亦此志也唐書昭
事無可考宰相世系表唐儉曾孫昭河南尹豈始
爲殿中少監繼爲河南尹與百官志殿中少監從
四品六典殿中省少監二人從四品上隋置一人
皇朝增至二人龍朔咸亨隨省改復宋敏求長安
志唐京城萬年縣所領朱雀街東第二街有靖安
坊靖或作靜卽此靜安里也唐書武元衡傳白氏
長慶集寄微之百韻詩皆作靜正與此合義善鄉
不詳所在宋志有義善寺貞觀十九年建縣南十
五里寺以鄉名殆卽其地此石山於嘉慶二十一
年五月凡一百九十二字皆完好

青城山常道觀勅并陰

碑高四尺二寸廣二尺初六行行二十六字至二十
八字不等行書勅前題字一行勅後題字三行並隸
書碑陰奏表十四行並正書在四川灌縣

大唐開元神武皇帝書

常道觀主甘遺榮勒字及

題晉原吳光口刻

勅益州長史張敬忠頃者西南阻化徭役殷繁山川既
接於夷戎縣道有勞於轉輸自卿鎮撫百姓咸安草莽
通訛良多慰沃歲陰寒極比平安好今賜卿衣一副至
領之蜀州清城先有常道觀其觀所置元在青城山中
聞有飛赴寺僧奪以為寺州既在卿節度檢校勿令相
侵觀還道家寺依山外舊所使道佛兩家各有區分今

使內品官毛懷景道士王仙卿往蜀川等州故此遺書

指不多及以上行書

勅縱橫各五寸飛白書

十一日正書

開元十二年歲次甲子閏拾貳月十壹日下十三年正

月一日至益州二日至蜀州專檢校移寺官節度使

判官彭州司倉丞軍揚驄蜀州刺史平嗣先清城

縣令沈從簡以上並書

碑陰

劍南道節度使

弔道觀主甘榮書

蜀州青城山常道觀

右內品官毛懷景道士王仙卿等使至伏奉閏十二月十一日墨勅蜀州清城先有常道觀其觀所置元在青城山中聞有飛赴寺僧奪以爲寺州旣在卿節度檢校勿令相侵觀還道家寺依山外舊所使道佛兩所各有區分者臣差判官宣義郎彭州司倉叅軍楊躋往青城山准

勅處置其飛赴寺佛事及

僧徒等以今月九日並移於山外舊所安置訖又得常道觀三綱甘道榮等狀稱奉

勅移飛赴寺

依山外舊所觀還道家今蒙使司對州縣官及僧等准勅勒還觀訖更無相侵者其山先緣寺界所有竹木等寺旣出居山外觀今置在山中務使區

分不令侵競臣已牒所管州縣亦許觀家收領訖謹
附采藥使內品官毛懷景奉狀以聞謹奏
開元十三年正月十七日左散騎常侍益州大都督
府長史劔南道節度大使攝御史中丞本道採訪經
略大使上柱國張敬忠上表

碑陰下截

上座蔡守仙

監齋勾靈相

道士楊悟玄

道士樊務道

道士向唐已

山人寂道安

玄士范仙舟

右唐明皇與益州長史劔南節度使張敬忠墨勅道光壬午九月予官長沙得之四川碑匠云在成都府灌縣城西七十里地名太平塲天師洞內碑刻於開元十三年時節度使有八其六曰劔南卽益州也益州置大都督府其屬官有長史張敬忠蓋以益州長史兼爲劔南節度使故勅有在卿節度檢校之語蜀州彭州皆垂拱中割益州所隸縣置節度使在益州青城山則在蜀州之清城縣故云一日至益州二日至蜀州也後列蜀州刺史及清城縣令銜名又有專

檢校釋寺官節度使判官彭州司倉叅軍楊璿一人
列於前司倉叅軍乃刺史屬官判官則節度使之屬
官時楊璿蓋以彭州司倉叅軍兼爲節度使判官也
攷蜀記青城縣因青城山得名其山載福地記及玉
匱經爲第五洞天杜光庭謂是珉山之第一峰前號
青城峰後臨大酉山有七十二小洞八大洞明統志
云青城廢縣在灌縣南四十里飛赴寺在灌縣西南
三十五里則今之灌縣卽開元中之青城縣也常道
觀不見於地志据明統志載有大人觀在灌縣西南
五十里攷太平御覽引五岳圖曰青城山洞周二千
里蜀郡界黃帝拜爲五岳丈人又唐六典謂蜀州青

城丈人山每歲春秋二祀享以蔬供委縣令行云云是丈人卽青城丈人觀疑卽當時之常道觀也今土人呼爲天師洞者或因漢張道陵得道於蜀州之鳴鶴山其地相近遂沿譌有此稱耳張敬忠附見新唐書張仁愿傳但云自監察御史累遷吏部郎中開元七年拜平盧節度使而未及後官益州事史之漏也傳又謂仁愿在朔方奏用御史張敬忠等皆稱善後至大官世名仁愿知人則敬忠殆亦當時之表表者開元神武皇帝乃當時羣臣所上明皇尊號明皇所書碑刻今傳於世者多八分及正書行書則僅有金仙長公主一碑此碑筆力遒茂出入二王不媿太宗

高宗家學而以僻在遐方訪拓不到自歐趙以來金石家俱未收錄惟寶刻類編載賜張敬忠勅而云開元十八年縣志予故亟爲表出之古泉山館金石文編

按青城山常道觀碑刻元宗賜張敬忠勅碑陰刻敬忠奏表唐書張敬宗傳開元七年拜平盧節度此稱益州長史錄其銜官足補正史又唐書地理志蜀州青城縣青故作清開元十八年更有青城山舊書青城漢江源縣地後周改爲青城山在西北三十二里舊青字加水開元十八年去水爲青此勅開元十二年下十三年表奏故山作青城縣作清城在未更以前也宋祝穆方輿勝覽常道

觀隋時建有唐明皇御書碑卽指此勅勅前題常
道觀主甘遺榮勒字奏表作常道觀三綱甘道榮
前題常道觀主甘榮書甘道士姓名一碑三見彼
此互異豈名榮字遺榮因爲道士故又稱道榮耶
宋王象之蜀碑記灌縣丈人觀紀符瑞碣甘遺榮
八分書趙明誠金石錄青城山丈人祠廟碑甘遺
榮八分書並作遺榮惜未著此碑耳名勝志青城
山有異僧出入井中赴供長安頃刻復返廣明中
賜名飛赴寺元宗行書傳世者惟此勅及金仙長
公主碑碑書散朗勅書縝密筆法殊不相類此豈
出蘇靈芝手耶何絕似鐵像頌真容勅也甘書奏

表則與王知敬褚遂良相近唐時僧釋善書有懷
仁懷素大雅普昌洪滿行滿從謙翹微靈迅欽造
齊操無可建初其羽士善書無過此者嘉慶二十
三年徐保寧雙桂遠道拓寄亟著錄之以誌珍藏
豐義令鄭溫球墓誌

石縱橫各一尺四寸五分二十三行行二十
十三字正善陝西郃陽縣出土今藏余家

大唐故寧州豐義縣令鄭府君墓誌銘

并序

滎陽鄭君諱溫球字耀遠洪源浚流鼎門碩胄固以炳
煥圖傳洋溢曾祖遜隨鴻臚卿河南公祖福祥 皇唐
州刺史父方高始州臨津縣令昭穆暉映芝蘭芬馥咸
迪雋業不其休哉君溫恭好學出言有章貞白成性立

行無玷解褐甯州玉城縣丞毗黃有倫人吏皆悅時蠻
方作梗王師出誅監軍御史元公欽君器能相邀入幕
克清夷落韜弓飲至君之策焉優制嘉之轉蒲州汾
陰尉儀形閑輔損益絃歌秩滿調補寧州豐義縣令以
膺精擇無事自理示信不欺子游不下堂賈父歌來晚
儔君之政無以加焉方將樹勤王家勒休天府彼蒼不
憖瘳察所纏藥石何欺靈祐斯爽以開元十四年七月
廿九日終享年五十有八才優命舛沈屈下僚隙駟不
留巖電易謝人生到此天道寧論君有昆曰溫琦廊廟
巨幹朝廷重寶由禮部侍郎轉邠州刺史君誼兄所憩
息未行哀哉禍臻於彼廨宇天倫之感振古莫儔卽以

其時樞遷于鄆以開元十五年七月廿七日權窆於京
坻府鄆縣口福鄉原禮也有子七人皆精敏之士續絳
州翼城主薄兼汴州開封主簿揆充收孚回等並茹感
肌膚沈痛創巨纂夫懿德寄我松槩予夙預姻親曲承
誘頤士感知已懷此無忘聊繫情於斯文庶有光於泉
壤銘曰

陞鎮岳岳溱流湯湯展我之子爲龍爲光有昆如珪有
子如璋家瘞其寶國殲其良千秋萬歲杳杳茫茫

前左內率府曹曹盧兼愛撰

按滎陽鄭溫球以鄆州興義縣令卒於邠遷窆於
鄆其姻親盧兼愛爲之銘墓也靈州邠州並屬關

內道同節度使邠州至靈百四十里至鄴三百里而近蠻方作梗云云乃開元十年安南賊帥梅叔焉等攻圍州縣遣內侍楊思勗討之元公蓋監思勗軍而溫球入其幕因承優制得轉蒲州汾陰尉也唐元宗置中都改蒲州爲河中府元和郡縣志謂在開元元年五月舊唐書地理志謂在開元八年通鑑則繫於九年正月改置之年月不同然李志云麗正殿學士韓覃疏陳不可六月詔停復爲州劉書云其年罷中都依舊爲蒲州司馬通鑑云六月己卯罷中都復爲蒲州時乃隨改隨復故開元十年以後尙稱蒲州迨天寶元年改州爲郡乾

元元年復爲蒲州三年又改爲河中府也汾陰之
改寶鼎乃開元十一年又在溫球作尉之後矣此
石嘉慶間出於鄆縣帖賈携入長安其字耀遠與
吾亡弟名同且感其歿於兄所購石以歸天倫之
戚古今一致耳

此志經兵燹已失所在矣

陸增祥志

唐施令于士恭墓誌

石縱橫各一尺九寸二十一行行二十一字正書蓋
題大唐故于府君之誌銘九字篆書在咸寧裴氏

唐故延州唐施縣令上柱國于公墓誌銘

兼序

公諱士恭字履揖其先東海人也漢太守定國之胤洎
五代祖謹仕魏遂居河南今卽河南人也續著前史慶

貽後裔曾祖宣道隨左衛率 皇涼甘肅瓜沙五州諸

軍使涼州刺史成安子祖永寧 皇商州刺史增建平

公父元祚 皇益州九隴縣令襲建平爵尚德靜縣主

公卽主之次子也公言行周密風儀閑雅弱冠以諸親

出身解褐授好畤縣尉初大周御宇分邦制邑劃爾畿

甸隸為稷州選部甄才擢授斯職亦當時之榮選也自

茲已降累遷郡邑尋贊臨穎復典膚施關右馳聲許邦

思慮非此能脩也開元十四年春 天子若曰縣令在

任清白者選日擢用公卽隨調方俟遷陟命何不融疾

成不治以其年秋九月戊戌卒于私第春秋六十有六

時來不偶其如之何夫人譙郡戴氏妍妙凝華貞順勉

行自承饋盥克諸琴瑟降年不永雖恨偏沉同穴相期
果然終合開元十五年十月乙酉權祔於京埵神和原
禮也拱樹蕭蕭坐看成古佳城杳杳空見微月嗣子弼
嬰等泣血崩心絕漿茹慕昊天莫報長夜不曉慮陵為
谷刊石為表銘曰
死生有數晝夜不捨嗟彼于公長歸地下高墳寂寂宅
此崇阿千秋萬古孰知其他

按膚施縣令上柱國于士恭墓誌銘舊唐書職官
志諸縣令正第六品上階上柱國正第二品縣令
為職官上柱國為勳官于氏先世攷詳于孝顯碑
士恭乃孝顯從孫也涼甘肅瓜沙五州為關內道

唐初置涼州總管府改都督府或管四州或督八州七州宣道為五州諸軍使當在武德七年之後商州亦關內道隨為上洛郡唐初改商州天寶元年復改上洛郡九隴縣屬劍南道成都府本隋蜀郡武德元年改益州領成都九隴等十三縣三年分九隴等三縣立濠州貞觀三年廢仍屬益州四縣置彭州九隴屬焉元祚為益州九隴縣令蓋當貞觀二年之後延州膚施稷州好時皆關內道好時武德二年分醴泉縣置屬雍州三年改隸稷州貞觀元年復屬雍州天授二年改隸稷州武后以天授元年改國號曰周誌稱分邦制邑正指其時

元和郡縣志但云貞觀元年廢稷臨潁河南道許州而不及武后之復改茲據舊書
州屬縣故云許邦思惠也神和原卽神禾原詳見
敬節法師塔銘在西安城南香積寺第五橋皆其地也

敬節法師塔銘

高二尺二寸廣二尺六寸二十六行行二十一字正書在陝西長安縣杜永村

大唐口義寺故大德敬節法師塔銘

并序

夫王而作則者大雄見而過者大寶聲被周漢義逸齊梁學比特毛富如崑玉道飾其行俗賞其音或內秘靈和或外見常迹起伏不拘於代出沒所謂於須臾孰有以兼之公得其門也

惟大德俗姓盧諱敬節范陽人也祖 尚書遠口栖志

丘園父樂司徒季英閑居遁世愍于稗子過以群流放
令出家不從文秩上可以益 后下可以利人不

累庄嚴足陪淨戲令投虔和上受業年甫什歲日誦千
言維摩妙高飛峰口海法華素月吐照情田奏梵音以
雲揚感神明而電激厭俗之垢 王澤遐沾落髮

之貞天魔為懼至二十九入道具臘寺舉都維那二十
載清拔僧務造長廊四十間不日克就光嚴

帝宇粹表祇園結棟凌霞飛簷振景土拜左顧靡怯風
搖人謁右旋非憂雨散亦嘗柔外以之定力振振順中
以如如心弈弈吁法槁而虹斷切義舫之神移莫不悼

哉何嗟及矣以開元十七年七月十五日終於私房春
秋七十有五窆於神和原律也門人處王璿延祚等念
松迴茂仰蕙通芳恨頽景之不畱恨驚風之早落師魂
遠何至資影痛何孤恐岸成川起塔崇礼式為銘曰
迹滿三界神放六通教令遍囑德位常融轉延像世運
及都公木選寒柏山寶舒虹行高昇下言貴居忠俗承
遠聲色道洽化無窮水搖魚徙口人斷院悲空日影何
旋北山陰遽已東荒郊悲慘慘烟氣乱惹惹式修營兮
妙塔用表列於仁雄柩窆歸於泉壤性遙拔於樊籠挫
一代之濁命流千古之清風

按敬節法師塔銘撰書人皆不著開元十七年法

師年七十有五則生於高宗永徽六年十歲出家
為麟德元年二十九入道為宏道元年神禾原見
景龍三年法琬碑景雲二年蕭思亮墓志銘開元
十四年思恒律師墓志是刻作神和原與開元十
五年于士恭墓志同宋張禮遊城南記陟神禾原
西望香積寺塔原下有樊川御宿之水今西安府
南杜曲社之西有神禾原

秦望山法華寺碑

開元十三年二月立李邕撰書

案此重刻本謬誤甚多在山陰秦望山天衣寺
何子貞前輩嘗以宋拓本摹刻於濟南係開元

廿三年十二月八日建据以補入并摘跋語錄

後陸增祥志

秦望山法華寺碑并序

括州刺史李邕撰并書

昔者法王道開嶠山相現曾是大事職非小緣順喻孔
多證入弥遠故以三界為宅五濁為火四生為子六度
為門一乘為大車十力為長者轉置熱惱之眾延集清
涼之都念茲在茲廣矣大矣法華寺者晉義熙十三年
釋曇翼法師之所建也師初依廬山遠公後詣關中羅
什架入禪慧尤邃佛乘雖禮數摳衣而名稱今坐與沙
門曇學俱遊會稽觀秦望西北山其峯五蓮其溪雙帶

氣象靈勝林壑虛閑比興耑閣營卜蘭若羞涅槃食納
如來衣專精法華永言寶意感普賢菩薩為下俚優婆
提狶子於竹筐寄糴種於蓬室師以縮屋未可枕屐乃
明移出樹閒延入舍下及杲日初上相光忽臨乘六牙
衛八部勝幡虹引妙樂天迎翩僊騰雲遙裔上漢師想
望太息沉吟永懷葉公好龍已遇真物羅漢測佛未了
聖心於是苦行自身灼誠通夢宛如昔見弥恨前非象
勸持經營難其語烏來聽法不易其人矧乃攝以蜂王
吼以師子壯謁者掎其裳袂讚歎者合其風雷時太守
孟顗以狀奏聞曰以為寺則知妙法者真如之已體蓮
華者淨道之假名是故崇厥經署于榜入無量義成不

住曰至若高僧慧其邑人陳載皆踵武投跡傳燈襲明
或五柱範堂或七寶規殿立普賢座追連弗藍龍王讓
池鷹子疏塔迦羅衛國連至雲山淨明德宮更開日月
固足以發慧印啓玄門入位畢臻出家偕應則有持證
寺觀永藏司流或慧舉十激或昭明再造或簡文瑞像
或武帝香鑪寶鈴吟風珠幡交露僧瑤墨意畫長豪之
妙光宮女縋功織大身之變相次有陳州邑吏隨國施
檀百寶盈於九隅羣經脩於三藏所以神鍾警夜保賢
聖之天居祥烏肅賓迓軒蓋之雲集忍辱靈草裙萎萎
於小莖偃僂萎花拳灼灼於高榦故得人天迴首江海
回聲芭蕉遇雷條焉滋茂葵藿隨日至矣勤誠登山而

野曠心空浴水而垢除意淨施及先律師道岸今弟子
釋儼並身林久伐禪荆都遺性通七事或摠八關金杖
五分優劣旣尋繒綵四色功德豈殊甘露有加香油不
墜頃者豪州刺史前此邦別乘太原王公名弼法海廣
大慧炬融明德立於衷義開於物到憚致主之節有耿
投竿葛亮報國之誠不忘草奏夫人武氏佩服真空千
擣已覺及男緬緒尋惟肖二尊克慎三業若行若坐依
佛依僧去煩惱之外糠得慈悲之內寶起普賢臺一級
寫法華經千部廣化人吏大啓津途卽普賢臺立法華
社每年二月重會一時且地効其靈山呈其秀有上座
已覺寺主道解都維那神慧僧表道賓律師行深慧燈

等多材為林眾器成樂一體和合乎用住持相與言於
王公曰夫名者事之華碑者物之表其或表不立則瞻
仰失容名不興則讚述無地願言刻石是用齊山朝散
大夫前侍御史今都府戶曹掾公名楚客其皎如日其
心如丹負濟之雄才託演成之雅意願慙作者達使懽
然其詞曰

會計南山秦望北寺高僧注還聖跡標寄耆闍比峯法
華取義羣公護持厯國檀施陸寶大來海琛揔萃幡影
連珠像光發瑞松巘蕭疎竹洞蕊翠綱紀有條禪律不
墜掇曹公直別乘仁智臺壓龍首殿開鳥翅象駕菩薩
鳥迎車騎異香秘醇神鍾髣髴作為碑板讚述名字

唐開元廿三年十二月八日建刻石人東海伏靈芝

李書石刻惟大照禪師碑余未及見所見者若戒壇
銘葉國重碑娑羅樹碑東林寺碑皆翻刻失真李思
訓碑任令則碑端州石室記麓山寺碑李秀碑盧正
道碑靈巖寺碑龍興寺額各造妙境而純任天機渾
脫充沛則法華寺碑為最勝去春在吳門韓履卿丈
詒此宋拓本攜至濟南付老僕陳芝重刻神理難追
規撫粗具矣高僧傳載曇翼構法華精舍事與碑悉
合惟翼逝後立碑山寺會稽孔道製文不知北海曾
及見否此碑翻本疊出無論筆勢全非卽文字亦多
舛改如秦望山上增大唐字與後題唐開元複出括

州或作栢州十徵誤十徵基缺筆作其或誤不缺陳
州邑吏隨國檀施誤作陳隨國施州邑吏檀偃樓菱
花作優曇異花有耿投竿作有取扱竿像光發瑞下
誤接臺墜龍首刻石人東海伏靈芝作東海伏靈芝
刻石皆訛舛顛倒可笑末題開元二十三年十二月
八日建按新書本傳開元二十三年起為栢州刺史
立碑正在其時金石錄輿地碑目俱不誤翻本作十
一年十三年者皆謬也

何紹基跋

周村卅餘家鐫像記

石高一尺五寸廣三尺正書記十行行二十一字至二十四不等題名三十行刻餘未錄在河南脩武縣

口開元口四年歲次景子心月辛巳朔十八日戊戌崇

仁鄉周村卅餘家再鑄

昔創名山方求潤礎鑄容刊像承祖祔之前規拔苦累
迷為子孫之厚福具三十二相向一百餘年覩容色而
將□異衰殷而取麗村人若老若少終翹代鵠之心惟
婦惟夫實切護鳩之誠貧無減已不辭懸罄之勞富有
積誠將傾潤屋之費□求異術或訪奇能方施藻鑒之
工載耿丹青之色巧行金頂通飾玉毫光焰浮於九天
慈悲盈於十地湛蓮華於淨目謂弥勒之初生曜蘋菓
於鮮儼覺如來之不滅自營功德併捨農忙薰辛無入
□之期酒□絕充腸之□五體投地希符長者之誠一
心啓天異洽菩提之願書人劉仙經

老
按周村卅餘家乃麟德元年造像十八家之後裔
因其祖禰所造像塔再鑄藻飾而刻斯記開元丙
子為二十四年四上缺一字乃廿字也麟德時脩
武縣慈仁鄉開元時改為崇仁鄉開元丙子上距
麟德甲子七十二年周村戶口倍蓰亦見承平蕃
衍

大智禪師義福塔銘

石高二尺六寸廣二尺六寸五分二十五行
行二十四字字徑一寸正書在陝西長安縣

大唐故大□禪師

下闕

弟子太僕少卿杜昱撰

禪師諱義福俗姓姜氏潞國銅鞮人曾祖仲遷隨武陟

丞鴈門令大父子胤烈孝解脫並丘園養德隱居不仕
禪師體不生之□神經無染之絕韻爰在悼齟遊不狎
羣遂更童長身無擇行峻節比夫嵩華雅量方於溟渤
初好老莊書易之說亟歷淇澳漳滏之閒以非度門一
皆謝絕齒邁三十適預緇流慧音共芝若同芬戎相與
蓮花比潔大通之在荆南也慈導風行聲如鼓鍾應同
鳴鶴乃褰輶脩謁偏袒請命遂得法要式是勵精浹辰
之間驕然大悟三摩隨入順忍現前大通印可密印付
囑自是多歷名山普雨甘露經行如市宴坐成林門下
求謁固啗三年之滯衆中樂聞常兼五十之喜則我禪
伯之徽業實亦駿揚于耿光及遊步上都載脂咸洛法

梁是荷人寶歸尊有如王公四累下逮裨販百族明發
求哀涕淚勤請則亦俯授悲誨朗振圓音應器而甌缶
必盈返根則條枚盡洽如摩尼皆隨衆色入蘆蔔不瞋
餘香所可脩行分獲契證昇堂或落落□出其餘則滯
滯皆是前年

輿駕東幸禪師後旋□洛閉關靜

慮猶□□言或趺坐通宵或冥寂終日門弟子有觀異
相竊或怪之知化緣將終接衽悲侍開元廿四年夏五
月廿五日右脇徂逝春秋七十九僧夏□□八粵六月
十有七日

恩勅追号大智禪師秋七月六日甲

申遷神於奉先寺之西原起塔守護禮也禪師以道分
人運慈濟物凡所利樂率先弘溥其茂德殊行則刊在

世碑冥貺神迹則詳夫外傳簡茲盡美略而不書猶迷
變海之期示勒開山之記銘曰

闕塞西麓相縈抱兮極目南臨伊汝道兮永錫大智神
所保兮達人口已豈多藏兮率由代教駿發祥兮子蔭
法嗣道有光兮

大智禪師碑已見萃編此其塔銘也塔銘與碑
銘蓋同時所撰故碑文中有太僕卿濮陽杜昱
云云此文云其茂德殊行則刊在世碑也所述
事蹟較碑銘稍略其先世三代之名則碑府所
未詳彼云上黨銅鞮人此云潞國銅鞮人上黨
以郡言也

陸增祥志

令長新誠

石高尺六寸廣尺九寸十四行行十一字正書在陝西大荔縣城

令長新誠

我求令長保乂下人人之不安必有所因侵漁浸廣賦役不均使夫離散莫保其身徵諸理寄尔良臣与之革故政在惟新調風變俗背偽歸真教先為富惠恤於貧無大無小以躬以親青旌勸農其惟在勤墨綬行令孰不攸遵曷云被之我澤如春

開元廿五年二月七日奉

勅頒示天下縣令

朝請大夫守縣令韋堅書

初元宗擇令長一百六十人又自製新誠宰相裴耀卿等請令集賢院善書者書以賜之其後諸縣往往各以刻石

集古錄

唐開元之治盛矣元宗嘗自擇縣令一百六十三人賜以丁寧之誠其後天下為縣者皆以新誠刻石今猶有存者余之所得者六世人皆忽不以為貴也元宗自除內難遂致太平世徒以為英豪之主然不知其興治之勤用心如此可謂為政知本末矣然鮮克有終明智所不免惜哉

集古錄

案令長新誠見於歐錄者六一河內一虞誠一汜水一穰一無陽一不知所在見於趙錄者四一房子一

未載縣名其二卽汜水虞城本也此刻在唐時天下
縣治皆有至歐趙著錄僅見數石矣而大荔之本則
歐趙所未見也書石之韋堅字子全京兆萬年人官
終刑部尚書唐書有傳載其歷奉先長安令有幹名
唐奉先縣在今爲華州蒲城縣而今之大荔縣在唐
爲同州馮翊縣堅未嘗令馮翊而碑乃不出於蒲城
而出於大荔何耶

筠清館金石記

右碑共十三行行十一字韋堅正書頗瘦勁字徑八
九分在陝西大荔縣明皇所製令長新誠唐書本紀
失載攷通鑑開元二十四年二月甲寅宴新除縣令
於朝堂上作令長新誠一篇賜天下縣令當卽此也

今据此刻則廿五年而非二十四年又玉海載其文
人之不安作人之所為青旌勸農作責躬勸農皆當
以碑為正此刻末云奉勅頒示天下縣令則當時各
縣皆必勒石歐陽公集古錄有跋言所得者六則河
內虞城汜水穰舞陽其一不知所在金石錄目有開
元廿四年二月者三一云汜水縣一云房子縣其一
則不注地名又有元和三年七月王通篆書者在虞
城縣而寶刻類編又載劉飛書開元中刻在鄧州及
鄭宗冉書太和九年建在許州明千氏天下金石志
載河南有六刻云一汜水一河內一虞城一穰其一
舞陽一不知何處蓋本之歐陽公故與趙德甫所言

不盡合而近代黃氏中州金石文於汜水縣載此刻亦與鄧州同作劉飛書恐誤也明趙子函石墨鏤華言在關中所得者乃一王某行書碑雖泐甚然書法是深於聖教者予今則僅見此一刻也韋堅唐書有傳云字子全京兆萬年人姊為惠宣太子妃妹為皇太子妃中表貴盛故仕最早由秘書丞歷奉先長安令有幹名元宗咨其子擢為陝郡太守水陸運使攷今大荔縣附同州府郭係近代新設唐之奉先為同州屬縣此刻堅署銜朝請大夫守縣令者當卽奉先縣令也惟六典言凡任官階卑而擬高曰守階高而擬卑曰行唐之文散階朝請大夫乃從五品上而縣

令有京畿及上中下之別京縣令乃正五品上畿縣令乃正六品上則韋堅所任之奉先縣蓋以京縣令而階卑於官故曰守也又攷宋開寶中改奉先為蒲城今蒲城縣在同州北一百二十里相距尚遠不知何以此刻流入同州豈今之大荔縣實即唐之奉先耶

古泉山館金石文編

按令長新誠頒示天下則所在縣邑多有之唐書元宗本紀開元二十四年十月賜縣令上中考而不及須誠通鑑開元二十四年二月宴新除縣令於朝堂上作令長新誠一篇賜天下縣令宋王象之蜀碑記唐令長新誠在合州赤水縣開元二十

四年立明皇嘗擇縣令百六十二人賜以丁甯之誠其後為縣令者皆以誠刻石集古錄取焉景祐中令重刻之見於金石錄者有四一在汜水一在房子並正書一八分書不詳所在皆次於開元二十四年無書者姓名一在虞城王通篆書次於元和三年而不及此石此石不知所在孫星衍訪碑錄云在陝西大荔韋堅正書唐書韋堅傳堅字子全京兆萬年人姊為惠宣太子妃妹為皇太子妃歷奉先長安令奉先令蒲城大荔則唐之馮翊縣堅未嘗守馮翊令豈是刻由奉先長安而移於馮翊耶今訪之長安蒲城大荔皆無此石堅為李林

甫中傷死於貶所宰相世系堅刑部尙書韋城縣男從顯秩也

殷夫人顏氏碑

此碑四面刻連額高七尺七寸廣二尺二寸厚九寸前後各九行兩側各四行每行二十九字正書額橫題唐錢唐丞殷君夫人顏君之口十二字前後各六字篆書在河南洛陽王虛觀

有唐故杭州錢唐縣丞殷府君夫人碑

第十三姪男金紫光祿大夫行湖州刺史上柱國魯

郡公真卿撰并書

君号口定琅邪臨沂人口口黃門侍郎缺七皇朝秦

王記室思魯府君之曾著作郎缺三賢缺九天皇曹

王侍讀贈華州刺史昭甫府君缺十聰慧明達發乎天

均孝仁敬讓迴出人表精究缺十其在家也九族仰其

盡儀其移天也六姻缺十女史太夫人殷氏以彤管之

才膺大家之選缺十書監元孫府君太子少傅惟貞府

君藐焉始孩缺十擅大名已錄今增十七字

皆君缺十宜芳令裴安期缺十而左耳缺焉君有三子

長曰武康丞缺十倫缺十口口壻郎中柳芳今之良缺十

次曰處士齊望有成人之姿幼曰晉州長史成已錄今增十七字

錄失

缺十之不登口秩每與文士族祖濬武平一呂因李淑

陳缺四匡朝內弟曜卿允南姨弟劉瑾族弟口同賦詩

多擅警絕之句六女長適口口生安陸令銓孝養於君

次適王元口著漢春秋次適蔡九言生缺六為當代之

冠次適顏昭粹粹女適司勳郎缺四才器為海內缺四

楊欽生濯季淮幼適我兄闕疑仁缺五度為君感缺六

及女娉真卿童孺時特蒙君教言辭缺作竒缺四延

壽王孫缺四龍口口淹造化篇五都賦不幸開元廿五

年秋七月有五日以隨口終于成口尉氏尉之公館享

年八十四粵以明年春正月合祔于東口口山之玉

寶原禮也嗚呼君全德內充慈仁外被才明可以升博

士法以上碑陰萃編已錄

缺四母師缺三不俱無石窳魚軒之賢口長筵拜慶多

鏘鳳乘龍之口口足云也真卿不敏夙承訓誘追策仁

而莫逮謀不朽其度茲銘曰

於口我姑口口口口愛深淪育耳割冤蕪惠及踈賤仁
涵朽枯子孫宴喜龍鳳相趨教我音辭王孫五都期頤
未究

缺五

石墳阿聲流八區

以上碑右側

字編失錄

側

右碑文廿六行兩面兩側環刻面各九行側各四行
行廿九字字徑二寸許皆正書其上橫題篆書兩面
各六字在洛陽縣王虛觀嘉慶乙丑虞山張子恂文
學夔游中州手拓其文歸以贈予時王侍郎金石粹
編書尚未成予患拓本殘蝕難讀亦未就錄出後見
侍郎書已刊行此碑雖載其中但有正背兩面而無
兩側文實不全又据所錄兩面之文其漫漶殘闕與

予拓本亦無甚異而外舅錢宮詹先生跋尾所言如
之推府君之元及著作郎下集賢學士勒禮府君之
孫等文皆今拓本所闕蓋潛研堂所藏尚是數十年
前舊拓也意欲更訪彼本校錄故遲遲有待而近聞
潛研之物已多散失恐一時未必即得爰姑就予本
錄之且意有所疑者以每行字數計之黃門侍郎下
當闕七字而之推府君之元止六字著作郎下闕三
字其下乃賢字而賢上一字磨滅之跡猶隱隱可辨
是崇而非集因攷家廟碑云勒禮解褐校書郎與兩
兄師古相埒同時為宏文崇賢學士則賢上所闕三
字當為宏文崇明矣且攷唐志武德四年置修文館

於門下省九年改曰宏文館又開元十三年改麗正
修書院為集賢殿書院於是始有集賢殿之名而東
宮官有崇文館學士云貞觀十三年置崇賢館上元
三年避太子名改曰崇文館則高宗為皇子之時自
當稱崇賢為是又賢下尚闕九字而學士勤禮府君
之孫止八字意先生當時是摘其要文言之亦有筆
畫不清者故皆不合耳家廟碑言昭甫為高宗侍讀
曹王廟收本紀高宗為皇子時封晉王而唐會要長
安二年太子左庶子王方慶上言沛王為皇太子時
改崇賢館為崇文館又太宗第九子明封曹王昭甫
蓋為晉王曹王東宮之官也魯公家廟碑作於後代

宗時故不使仍稱晉王乃改祖廟號耳而此碑又改稱天皇者則以高宗之謚為天皇大帝也與家廟碑之意略同今拓本天字尚清而易辨而王侍郎所錄遺去此字於皇字上空一字與前皇朝同例蓋失於細攷矣潛研堂跋尾据唐書殷踐猷傳知成己之母為顏氏成己乃踐猷族子又云讀此碑乃知即魯公之姑其二妹者一為宜芳令裴安期妻其一則殘缺不可辨矣中溶嘗攷唐碑每有姨弟之稱似即謂從母之子此碑叙成己同賦詩之親友有云內弟曜卿允南者曜卿乃魯公伯父元孫之子允南則魯公之仲兄皆為殷君夫人兄弟之子是謂成己稱舅之子

曰內弟也則其所稱姨弟劉璿疑即夫人一妹之子也今碑文已殘缺不可辨而武虛谷授堂金石跋乃云夫人為昭甫季女必有誤矣此碑歐趙皆未見首著錄於寶刻類編而以魯公為夫人從姪亦誤也黃氏中州金石攷引金石補遺言在河南府道居寺天王殿前新自地中掘起畢尚書金石記誤仍掘起為掘出云此碑已見寶刻類編則非新出愚謂此係墓碑而非墓志本不當在土中王侍郎謂此碑當自宋以後入土至近時新出是矣然因未見側文不知志銘尚有勒石墳阿之句可證也且即拓本觀之其背文之中上下皆鑿去三行內十二字作兩大方孔形

必是後人曾以此石作階砌欄檻之用以致埋入土中耳王侍郎亦未及審出言之文於錢唐縣丞殷君履直之姓名事實已磨滅皆不可辨而可辨者拔其子女之事甚詳稱其三子則并及其交游有名譽之人如左司郎中柳芳及武平一史皆有傳所謂族祖澹者當即家廟碑云澹好屬文之人也又稱其六女不獨皆著其所適之壻并及其女所生之子女等事

中云幼適我兄闕疑者闕疑乃魯公之伯兄也家廟碑稱其仁孝有吏能精詩傳善剖判杭州參軍而此碑於其下又有云度為尼者恐亦是指闕疑之女言之王侍郎釋尼為君誤矣文稱夫人才明可以口博

士博上一字右旁作十而左旁已漫漶蓋用後漢書
鄧后紀言后志在典籍不聞居家之事母嘗非之曰
汝不習女工乃更務學寧當舉女博士耶故事也碑
又云真卿童孺時特蒙君教下又有延壽王孫賦及
造化篇五都賦等文而其後銘中亦有教我音詞王
孫五都之句蓋魯公早孤家廟碑言自蒙伯父泉允
南親自教誨舉進士故夫人在室亦嘗教以讀前人
詞賦也碑題額稱夫人為顏君而不曰氏者蓋內其
姑而不言氏以尊之耳故文中亦皆稱君又碑文長
而紀事甚詳者亦重親親之道與家廟碑同一體格
也自韓柳之文行乃有潘昂霄輩据以言墓銘之例

於是後人務以簡畧為高古不知所貴乎文且託諸金石者原欲表其事實以垂於久遠若寥寥數語籠統不詳又何取而易足重哉如魯公此碑及家廟碑豈反不可以為例者耶餘詳王侍郎書中古泉山館金石文編筠清館據拓本及文集校補全文并錄於後陸增

詳志

唐錢唐丞殷君夫人顏君之碑

篆額橫題碑之陰陽二面

有唐故杭州錢唐縣丞殷府君夫人之碑

并序

第十三姪男金紫

光祿

大夫行湖州

刺史上

柱國

魯郡公真卿撰并

書

君号

真

定琅邪臨沂人北

齊

黃門侍郎

郎之

推府君之元

子

皇朝秦王記室思魯府君之曾著作郎宏文崇賢學士

對禮府君之孫天皇曹王侍讀贈華州刺史昭甫府君

之季女錢唐丞殷履直之妻也聰慧明達發乎天均孝

仁敬謹迴出人表精究圖史博通禮經問無不知德無

不備其在家也九族仰其壺儀其移天也六姻賴其任

恤天后當罔旁求女史太夫人殷氏以彤管之才膺大

家之選召置左右不遑願復二弟曰秘書監元孫府君

太子少保惟貞府君藐焉始孩頓隔怙恃君躬自誨育

教之詩書悉擅大名皆君力也叔父史部郎中敬仲府

君為酷吏所誣君率二妹宜芳令裴安期妻司業岑獻

妻割耳訴冤因獲減死及誕男成已而左耳缺焉君有

三子長曰武康丞嘉紹尤工

小篆為寸字

飛白勁利絕

倫紹子壻郎中柳芳今之良史芳子長樂令

幼立盛

名次曰處士齊望有成人之姿幼曰晉州長史成已雅

善填書兼綜才藝鳴謙勇退

不登

清秩每與

文士族祖

濟武平一呂因李淑陳

齊卿族舅匡

朝內弟曜卿允南

姨弟劉瑾族弟

黃

同賦詩多擅警絕之句六女長適

氏生安陸令銓孝養於君次適王元

淑

著漢春秋次適

蔡九言生

燕學生

□□□為當代之冠次適顏昭粹粹

女適司勳郎□□□才器為海內□□

次適楊

欽生

濯季淮幼適我兄闕疑仁

親友悌有

□□□度為尼

感殊

□□□

慈明

及女娉真卿童孺時特蒙君教言辭

音 割 □ □ □ 延壽王孫賦 崔氏 飛龍篇江淹造化篇五

都賦不幸開元廿五季秋七月有五日以隨 牒 終于成

已尉氏之公館享季八十四粵以明季春正月合祔于

東京萬安山之玉寶原禮也嗚呼君全德內充慈仁外

被才明可以升博士法 度 可以 律母 師雖偕老不俱無

石窳魚軒之賢而長筵拜慶多 銷 鳳乘龍之 獻於足云

也真卿不敏夙承誨誘追深仁而莫 逮 謀不朽其虔茲

銘曰 於惟我姑德 盛才無 愛深倫育耳割冤蘇惠及

疎賤仁涵朽枯子孫宴喜龍鳳 相 趨教我音辭王孫五

都期願未究 人世俄殊刻 石墳阿聲流八區

魯公書碑多四面環刻如宋廣平碑家廟碑及此碑

皆是也萃編但見陰陽兩面未見兩側故所錄未全
碑既磨泐而拓本又復麻沙即兩面中亦多遺字今
以全拓本與魯公文集參校其可識者以大字為別
泐處則據集本旁註碑與集俱缺者則用方闡至集
本萃編間有誤字則據碑正之公高祖思魯祖昭甫
父惟貞兄闕疑四世皆娶於殷殷履直及其子成己
亦兩世娶於顏碑所稱太夫人殷氏昭甫之妻公之
祖母也萃編以為公自叙其母非是夫人葬於開元
廿六年其時魯公方三十二歲此碑題銜曰行湖州
刺史則在大歷七年以後十三年以前公任湖州時
追立也

錢清館金石記

尼榮惠隱塔銘

高營造尺一尺二寸五分寬二尺廿八行行十八字行書在河南洛陽縣

大唐大安國寺故大德惠隱禪師塔銘

并序

禪師俗姓榮京兆人其家第四女也族望北平曾祖權隨金紫光祿大夫散騎常侍兵部尚書東阿郡開國公祖建緒銀青光祿大夫使持節息始洪諸軍事三州刺史東阿郡開國公并祖思九黃門侍郎父懷節夷州綏陽縣令外祖韋氏字孝基皇中書舍人逍遙公之孫也禪師聰識內敏幼挺奇操粵自鄙亂敬慕道門專志誦經七百餘紙業行精著簡練出家自削髮染衣安心佛道尋求法要歷奉諸師如說脩行曾無懈倦捐軀委命

不以為難或行無虧冰霜比潔或斷穀服氣宴坐禪師
或鍊辟試心以堅其志動靜語默恒在之中凡所施為
不輟持誦雖拘有漏密契無為雅韻孤標高風獨遠嗚
呼驚波不息隙影難留生滅無恒遽隨遷謝開元二十
二年七月十一日壽終於安國道場春秋七十有六右
脇而卧奄然滅度臨涅槃時遺曰吾緣師僧父母
並在龍門可安吾於彼處與尊者同一山也弟子匡
圓德博通三藏才行清高生事竭仁孝之心禮葬盡精
誠之志追痛永遠建塔茲山縱陵谷有遷庶芳不朽乃
為銘曰

至道衍夷代罕能窺探祕究妙夫惟我師其一

爰自韶年訖于晚歲精念護攝虔誠不替肅肅戒行明
明之惠淨業滋薰與佛同契其二

逝川不駐隙駟難留奄隨運往萬古千秋嗟永感而無
極式彫紀於芳猷其三

開元廿六年歲次代寅二月六日建

龍光寺舍利塔記

開元廿八年七月在扶風正書

郭楚貞母建多寶塔銘

石高一尺四寸廣一尺六寸二十行
每行十七字正書在陝西扶風縣

多寶塔銘

并序

夫朗質淨乾高明無以秘其象真儀括牝厚載安可遙

其形惟聖界巨干大海寫浮珠之偈商城六度提河啓
淨穢之口故得慈航並汎香輶兮毗濟七水之沉淪演
三乘而宏懿爰有郭楚貞昆弟眷等太夫人李氏自開
元七年受持法華經第八金剛觀經尊勝藥師等經每
日夜持頌一遍循詞進業踈實謙虛弃五濁之煩籠居
四緣之淨域又捨緣身裙帔等數十事造多寶塔一所
上為過去下緣見在嗚呼性均泣扇哀埒跪書故能智
炬潛輝通四今而外朗慧根夙繁演十頌而齊貞醍醐
灑煩惱之津寶地鏤業曰之果于時營構宇託勝裁規
採崑閭之名珍珠鍾巖之美玉霧竦雲立月映星離類
天上之飛來疑地中之湧出勒以琬琰鏤以琳琅口靈

心之稟、表禪識之蒼、其詞曰

彼美昆弟粵有尊堂攀緣性相經捧津梁情塤東岱業
口西方傾企精進長緣頂王

開元廿九年歲次辛巳閏四月辛巳朔十八日戊戌建
立

按此石出土未久從西安帖賈購得拓本未知在
西安否也于時營構宇句以四字例之營下當有
脫字

金石續編卷第四終